



Croeso


Mae Pennant Walters yn datblygu cynigion ar gyfer fferm wynt ar safle ym Mynydd y Glyn, i'r gorllewin o Bontypridd yn Rhondda Cynon Taf.

Mae barn y gymuned leol yn bwysig i ni ac, wrth i ni ddechrau'r prosiect, rydym am gyflwyno ein hunain a darparu gwybodaeth am ein cynigion sy'n dod i'r amlwg.

Rydym hefyd am achub ar y cyfle i esbonio'r astudiaethau amgylcheddol y byddwn ni'n eu cynnal er mwyn helpu i lywio nifer a lleoliad y tyrbinau gwynt yn Fferm Wynt arfaethedig Mynydd y Glyn.

Os gwelwch yn dda, sylwch ein bod yn gynnar iawn yn y prosiect ac na allwn ddarparu gwybodaeth am effaith weledol bosibl gan nad yw lleoliad y tyrbinau gwynt wedi'i bennu eto. Fodd bynnag, byddem yn croesawu eich meddyliau ar safbwyntiau allweddol yn yr ardal, fel y gallwn ystyried y rhain wrth inni ddatblygu ein cynlluniau.

Rydym wedi ymrwymo i hysbysu, ymgysylltu ac ymgynghori â chymunedau lleol a rhanddeiliaid trwy'r broses ddylunio a chynllunio ac edrychwn ymlaen at glywed eich barn a'ch awgrymiadau.



Uchod: Cynllun lleoliad y safle

Ynglŷn â Pennant Walters

Mae Pennant Walters yn is-gwmni i Walters Group, cwmni lleol wedi'i leoli yn Hirwaun ac yn gweithredu'n genedlaethol. Mae Walters yn cyflogi tua 500 o bobl ac mae wedi arallgyfeirio'n sylweddol yn yr 20 mlynedd diwethaf.

Ers 2003, rydym wedi datblygu, adeiladu ac erbyn hyn yn gweithredu chwe fferm wynt a rhywfaint o ynni solar yn Ne Cymru, gan gynhyrchu cyfanswm o 127MW, gan ein gwneud yn ddatblygwr ynni adnewyddadwy cartref mwyaf Cymru.

I weld rhagor o wybodaeth, ewch i www.pennantwalters.co.uk

Pam mae angen ffermydd gwynt arnom

Ym mis Ebrill 2019, cyhoeddodd Llywodraeth Cymru argyfwng hinsawdd a chyhoeddodd ei Dyfodol Cymru: Y Cynllun Cenedlaethol 2040, a fabwysiadwyd ar ddechrau 2021. Mae safle Mynydd y Glyn yn Rhondda Cynon Taf yn gorwedd drws nesaf i Ardal a Aseswyd ymlaen llaw ar gyfer darparu ffermydd gwynt.

Er bod llawer o gynghorau sir yng Nghymru wedi datgan argyfwng hinsawdd, mae Cyngor Bwrdeistref Sirol Rhondda Cynon Taf wedi nodi nad yw’n gweld unrhyw rinwedd mewn datgan argyfwng ac mae’n canolbwyntio yn lle hynny ar y mesurau sy’n ofynnol i fynd i’r afael ag ef. Mae’r rhain yn cynnwys creu ei gyflenwad ynni cynaliadwy gwyrdd ei hun trwy ffermydd gwynt ac ynni solar, gan sicrhau bod pob cerbyd mor gyfeillgar i’r amgylchedd â phosibl, hyrwyddo mathau mwy cynaliadwy o gludiant fel cerdded, beicio a thrafnidiaeth gyhoeddus, a rhaglen plannu coed.

Gan y bydd fferm wynt arfaethedig Mynydd y Glyn yn cynhyrchu mwy na 10MW o drydan fe’i diffinnir fel Datblygiad o Arwyddocâd Cenedlaethol (DNS). Mae hyn yn golygu y bydd y cais cynllunio yn cael ei gyflwyno i’r Arolygiaeth Gynllunio (PINS) ar gyfer Cymru a’i ystyried gan Arolygydd gyda’r penderfyniad terfynol yn cael ei wneud gan Weinidogion Cymru.

Cwestiwn:
A ydych chi’n cefnogi’r egwyddor o ffermydd gwynt i gynhyrchu ynni adnewyddadwy?



Y safle

Mae’r safle yng Nghyngor Bwrdeistref Sirol Rhondda Cynon Taf ac mae wedi’i leoli ar lwyfandir yr ucheldir gydag ochrau ar oleddf serth i’r gorllewin o Bontypridd. Ar ei bwynt agosaf, mae’r safle oddeutu 17km i’r de o Barc Cenedlaethol Bannau Brycheiniog.


Mae’r safle, fel y’i diffinnir ar hyn o bryd, yn ymestyn i oddeutu 200 hectar, sef glaswelltir a ddefnyddir yn bennaf ar gyfer pori. Mae safle Mynydd y Glyn yn Rhondda Cynon Taf yn gorwedd i’r gogledd o Ardal a Aseswyd ymlaen llaw ar gyfer darparu ffermydd gwynt.

Mae polisi’r llywodraeth, fel y nodwyd yng Nghymru’r Dyfodol: y cynllun cenedlaethol 2040 yn darparu fframwaith polisi cadarnhaol ar gyfer ynni adnewyddadwy.

Oherwydd y gefnogaeth bolisi cadarnhaol hon a’r ffaith bod Fferm Wynt arfaethedig Mynydd y Glyn gryn bellter o Fannau Brycheiniog ac unrhyw Ardal o Harddwch Naturiol Eithriadol y mae Pennant Walters o’r farn y gallai’r safle fod yn addas ar gyfer fferm wynt ar y tir.

Bydd astudiaethau ac ymchwiliadau pellach yn helpu i sefydlu addasrwydd y safle yn erbyn ystod eang o feini prawf amgylcheddol.

Mae safle’r fferm wynt arfaethedig yn cynnwys llwyfandir o laswelltir asid lled-well helaeth a ddefnyddir ar gyfer pori.



Above: Indicative Site Constraints Plan

Defnyddir y dirwedd ehangach o amgylch y safle yn bennaf ar gyfer pori gyda choetir conwydd planhigfa yn cael ei reoli ar gyfer coedwigaeth ac aneddiadau trefol bach.

Mae angen i ni ystyried nifer o gyfyngiadau wrth inni ddatblygu’r cynigion ar gyfer Fferm Wynt Mynydd y Glyn.

Cwestiwn:
A oes unrhyw gyfyngiadau eraill y credwch y dylem eu hystyried wrth i ni ddatblygu’r cynigion ar gyfer Fferm Wynt Mynydd y Glyn?



Y cynigion

Ar hyn o bryd, mae ein cynigion ar gyfer Fferm Wynt Mynydd y Glyn yn cynnwys:

- hyd at saith tyrbin gwynt gydag uchder llafn uchaf o 180m
- tai is-orsaf a thrawsnewidydd
- ardal adeiladu dros dro
- swyddfeydd safle adeiladu dros dro
- padiau craen a cheblau
- adeiladu trac mynediad
- adeiladu/ gwelliannau ar gyfer mynediad i'r safle

Amcangyfrifir y bydd y Fferm Wynt yn cynhyrchu hyd at 42MW o drydan, sy'n cyfateb i ddarparu digon o bŵer i ddiwallu anghenion trydan blyneddol oddeutu 32,000 o gartrefi.

Dyluniwyd y Fferm Wynt gydag oes weithredol o 30 mlynedd, gan allforio ynni adnewyddadwy i'r Grid Cenedlaethol.

Mae gan Pennant Walters gynnig derbyniol oddi wrth Western Power Distribution am gysylltiad 33kV yn Upper Boat. Byddai'r cysylltiad yn cynnwys 1.5km o linell newydd ar bolion pren a 7.5km arall o dan y ddaear trwy ddwythell yn y rhwydwaith priffyrdd.



Cwestiwn:

Beth yw eich meddyliau cychwynnol ar ein cynigion sy'n dod i'r amlwg ar gyfer Fferm Wynt Mynydd y Glyn?

Amgylcheddol

Rydym wedi cyflwyno Adroddiad Cwmpasu Amgylcheddol i Penderfyniadau Cynllunio ac Amgylchedd Cymru er mwyn sefydlu'r paramedrau ar gyfer yr Asesiad o'r Effaith Amgylcheddol (AEA), a fydd yn cyd-fynd â'r cais.

Mae'r adroddiad hwn yn ceisio cytuno ar gwmpas yr astudiaethau sydd eu hangen ag ymgylgoreion gan gynnwys y Cyngor.

Bydd penodau allweddol yr AEA yn ymdrin â:

- Effaith ar y dirwedd ac effaith weledol
- Yr amgylchedd hanesyddol
- Bioamrywiaeth
- Adareg
- Yr amgylchedd dŵr
- Cyflwr y tir
- Traffig a thrafnidiaeth
- Sŵn
- Seilwaith
- Economeg Gymdeithasol
- Y boblogaeth ac iechyd pobl

Gellir gweld yr Adroddiad Cwmpasu Amgylcheddol ar wefan y prosiect: www.mynydd-y-glyn.co.uk

Mae bywyd gwyllt sy'n cael ei arolygu'n cynnwys moch daear, ystlumod, dyfrgwn, llygod y dŵr, madfallod cribog mawr, ymlusgiaid ac adar. Bydd arolygon hefyd yn ymchwilio i'r amgylchedd dŵr presennol a phresenoldeb mawn.

Mae gwaith cynnar ychwanegol a wnaed hefyd yn cynnwys asesiad cychwynnol o sŵn, a nododd fod gan y safle'r potensial i ddarparu ar gyfer fferm wynt fasnachol fodern.

Cynhelir rhagor o astudiaethau manwl yn awr i sefydlu'r lleoliadau gorau ar gyfer y tyrbinau a fydd yn cael yr effeithiau sŵn lleiaf posibl ar drigolion lleol a derbynyddion allweddol.

Bydd arolygon yn parhau i mewn i 2022 a bydd y canlyniadau'n rhan o'r Datganiad Amgylcheddol a gyflwynir gyda'r cais cynllunio.

Cwestiwn:

A oes unrhyw effeithiau amgylcheddol penodol y credwch y dylem fod yn ymwybodol ohonynt wrth i ni ddatblygu ein cynigion?



Trafnidiaeth a mynediad

Bydd mwyafrif y symudiadau traffig sy’n gysylltiedig â Fferm Wynt Mynydd y Glyn yn cael eu cynhyrchu yn ystod y cyfnod adeiladu. Unwaith y bydd yn weithredol, disgwylir y bydd symudiadau traffig sy’n gysylltiedig â chynnal a chadw ac atgyweiriadau yn fach iawn. Mae ymweliadau achlysurol yn debygol o gael eu gwneud gan gerbydau 4x4 neu rai tebyg ac efallai y bydd angen achlysurol i gerbyd nwyddau trwm (HGV) gael mynediad i’r safle.

Yn ystod y cyfnod adeiladu, rhagwelir y bydd Llwythi Anwahanadwy Anghyffredin yn cludo’r cyfarpar tyrbinau i’r safle ar y ffordd o naill ai Porthladd Abertawe neu Fryste.

Asesir y potensial am effeithiau ar ddefnyddwyr ffyrdd unwaith y bydd llwybr y cerbydau adeiladu wedi’i gadarnhau. Bydd canlyniadau’r asesiad hwn hefyd yn cael eu cynnwys yn yr Asesiad o’r Effaith Amgylcheddol.

Cwestiwn:

A oes unrhyw ffyrdd y byddech chi’n poeni amdanom ni’n eu defnyddio i gludo’r offer tyrbin? Os felly, rhowch wybod i ni pam.

Buddion i’r Gymuned

Mae’r cymunedau y mae ein ffermydd gwynt yn gweithredu ynddynt yn bwysig i ni. Rydym yn gweithredu Cronfa Gymunedol ar gyfer pob un o’n prosiectau ffermydd gwynt, sy’n buddsoddi arian yn y cymunedau lleol.

Hyd yn hyn rydym wedi dosbarthu oddeutu £4 miliwn i brosiectau cymwys.

Mae hyn wedi cynnwys:

- adnewyddu ardaloedd chwarae
- trosi cyrtiau tenis yn Ardaloedd Gemau Aml-ddefnydd
- cyflenwi offer i glybiau chwaraeon
- prosiectau amgylcheddol a bywyd gwyllt
- uwchraddio llwybrau troed
- parciau sglefrio

Mae rhagor o wybodaeth am yr arian a roddir i’n safleoedd eraill ar dudalennau’r safleoedd unigol yma: www.pennantwalters.co.uk

Fel rhan o’r ymgysylltu cynnar ar gyfer Mynydd y Glyn, hoffem glywed eich barn am berchnogaeth leol a sut y gellir gweinyddu’r Gronfa Gymunedol sy’n gysylltiedig â’r Fferm Wynt yn fwyaf effeithiol. Rydym yn ystyried nifer o opsiynau; un yw sefydlu Cwmni Buddiannau Cymunedol (CBC) i ddyrannu cyllid yn flynyddol i brosiectau cymwys lleol.

Cwestiwn:

Beth ydych chi’n ei feddwl am gyfleoedd budd cymunedol i Fynydd y Glyn, fel perchnogaeth leol a’r potensial i Gwmni Buddiant Cymunedol reoli Cronfa Budd Cymunedol?



Dweud eich dweud

Er bod y cais cynllunio yn Ddatblygiad o Arwyddocâd Cenedlaethol (DNS) ac yn y pen draw bydd Gweinidogion Cymru yn penderfynu arno, mae Cyngor Bwrdeistref Sirol Rhondda Cynon Taf a'r cymunedau lleol yn ymgynghoreion allweddol a byddwn yn ymgymryd ag ymgysylltu ac ymgynghori helaeth â chynghorwyr lleol, rhanddeiliaid a thrigolion ar ein cynlluniau sy'n dod i'r amlwg.

Mae'r cam cyntaf hwn o ymgysylltu â'r cyhoedd ar gynigion ar gyfer Fferm Wynt Mynydd y Glyn wedi'i gynllunio i gyflwyno'r prosiect a galluogi pawb sydd â diddordeb yn ein cynlluniau sy'n dod i'r amlwg i ymgysylltu a rhannu eu meddyliau a'u syniadau gyda ni.

Llenwch y ffurflen adborth ar wefan y prosiect – www.mynydd-y-glyn.co.uk – neu cysylltwch â ni drwy ddefnyddio'r manylion isod.

Gadewch i ni gael eich adborth erbyn 30 Tachwedd 2021.

Bydd y sylwadau a dderbynnir yn cael eu hadolygu a'u defnyddio i lywio'r cynigion sy'n dod i'r amlwg. Yna cewch gyfle i wneud sylwadau ar y cynigion manwl ar gyfer Fferm Wynt Mynydd y Glyn yn ddiweddarach yn y flwyddyn, cyn i ni gwblhau a chyflwyno cais cynllunio yn Hydref 2022.

Manylion cyswllt

Hoffem glywed eich barn ar y cynigion sy'n dod i'r amlwg ar gyfer Fferm Wynt Mynydd y Glyn. Rhowch wybod eich barn cychwynol trwy:

- Galw: **01443 548032**
- Ebostiwch: consultation@mynydd-y-glyn.co.uk
- Ysgrifennwch at: **Freepost GRASSHOPPER CONSULT** (nid oes angen stamp na chyfeiriad ychwanegol)

Bydd y manylion cyswllt hyn yn eich rhoi mewn cysylltiad â Grasshopper Communications, sy'n rheoli'r ymgynghoriad.

Llinell amser dangosol y prosiect	
Hydref 2021:	Ymgysylltu cynnar ar gynigion sy'n dod i'r amlwg
Gwanwyn/ Haf 2022	Ymgynghoriad statudol ar gynllun manwl y Fferm Wynt arfaethedig
Hydref 2022	Cyflwyno Cais DNS i Penderfyniadau Cynllunio ac Amgylchedd Cymru
Gwanwyn/ Haf 2023	Archwilio'r cais a chyflwyno'r adroddiad/argymhellid i Lywodraeth Cymru
Hydref/Gaeaf 2023	Gweinidogion Cymru'n penderfynu ar y cais

Byddai'r gwaith i adeiladu Fferm Wynt Mynydd y Glyn yn cymryd oddeutu dwy flynedd, felly gellid datblygu'r Fferm Wynt a chynhyrchu trydan erbyn Gaeaf 2025.